



Coimisiún na Scrúduithe Stáit
State Examinations Commission

Scrúdú na hArdteistiméireachta, 2022

Tíreolaíocht

Cuid a Dó

Gnáthleibhéal

Dé hAoine 10 Meitheamh

Maidin 9:30 – 12:20

300 marc

Ná tabhair an ceistpháipéar seo ar ais.
Ní chuirfear ar ais chuig Coimisiún na Scrúduithe Stáit é.

CUID A DÓ – CEISTEANNA STRUCHTÚRTHA – 200 MARC

Ní mór duit **DHÁ** cheist a fhreagairt. Ní mór gach ceist a roghnú as roinn ar leith.

- Roinn 1: **Patrúin agus Próisis sa Chomhshaol Fisiceach** (Ceist 1-3)
- Roinn 2: **Tíreolaíocht Réigiúnach** (Ceist 4-6)
- Roinn 3: **Toghaonaid** (Ceist 7-12)

Tá gach ceist ar cómharc.

FREAGAIR NA CEISTEANNA SEO SA FHREAGARLEABHAR INA BHFUIL CUID A HAON

ROINN 1

PATRÚIN AGUS PRÓISIS SA COMHSHAOL FISICEACH

Ceist 1 go 3

Tá 100 marc ag gabháil le gach ceist.

Ceist 1

1A. Léarscáil na Suirbhéireachta Ordanáis

Scrúdaigh an léarscáil 1:50 000 agus an eochair eolais de chuid na Suirbhéireachta Ordanáis a ghabhann leis an bpáipéar seo.

Tarraing sracléarscáil den limistéar a thaispeántar ar léarscáil na Suirbhéireachta Ordanáis.

Ar an tsracléarscáil sin, **taispeáin** agus **lipéadaigh** gach ceann díobh seo a leanas:

- Abhainn na Siúire
- An cuaille triantánachta ag Leacht na Francaí (*Lachtnafranke*)
- Ionad dearchta
- Líne an iarnróid
- Limistéar d'fhoraois bhuaircíneach in iardheisceart na léarscáile.

[30m]

1B. Forbairt Tírghnéithe

Freagair (i) nó (ii).

(i) Mínigh, le cuidiú léaráidí, foirmiú **dhá** tírghné ar bith.

Nó

(ii) Tabhair cur síos agus míniú ar **dhá** phróiseas ollghluaiseachta ar bith.

[40m]

1C. Teicteonaic Phlátaí

(i) Ainmnigh sampla **amháin** de phláta teicteonach.

(ii) Tabhair cur síos agus míniú ar an rud a tharlaíonn ag teorainneacha plátaí.

[30m]

Ceist 2

2A. Ollghluaiseacht

Brúchtadh Portaigh i nDún na nGall

Táthar ag rangú brúchtadh portaigh i gContae Dhún na nGall mar 'eachtra truaillithe tromchúiseach' i ndiaidh do na céadta míle tona de mhóin agus d'fhoraois sleamhnú síos le fána agus abhainn áitiúil a thruailliú.

Tá na húdaráis ag iarraidh a fháil amach cad é ba chúis leis an mbrúchtadh portaigh i gceantar gar do Bhealach Féich. Dúirt muintir na háite go raibh gníomhaíocht tógála ar siúl le déanaí ar Fheirm Ghaoithe na Míne Boige atá in aice láimhe, agus gur cheap siad go raibh ról suntasach aige sin i spreagadh na heachtra ollghluaiseachta seo.

Is le Fuinneamh Invis Feirm Ghaoithe na Míne Boige, agus tá siad ag obair leis an ngnólacht miondíola domhanda Amazon chun fuinneamh a sholáthar dá n-ionaid sonraí ar fud an domhain.



Toradh an bhrúchta portaigh gar do Bhealach Féich, Contae Dhún na nGall.

Curtha in oiriúint ó www.irishindependent.ie

Scrúdaigh an t-alt thuas faoi bhrúchtadh portaigh agus freagair gach ceann de na ceisteanna seo a leanas.

- (i) Cén contae inar tharla an brúchtadh portaigh?
- (ii) Cad a cheapann muintir na háite ba chúis leis an mbrúchtadh portaigh?
- (iii) Ainmnigh iarmhairt **amháin** den bhrúchtadh portaigh a luaitear san alt.
- (iv) Cén úsáid a bhaintear as an bhfuinneamh a ghintear ar an bhfeirm ghaoithe?
- (v) I do fhreagarleabhar, luaigh cé acu gasta **nó** mall atá gach ceann de na cineálacha seo próisis ollghluaiseachta:
 - Maidhm shneachta
 - Ithirthéaltú
 - Láibshreabhadh
 - Maidhm charraige.
- (vi) Tabhair míniú achomair ar thoisc **amháin**, seachas gníomhaíocht an duine, a mbíonn tionchar aige ar an ollghluaiseacht.

[30m]

2B. Idirghníomhaíocht an Duine le Próisis Dromchla

Scrúdaigh an dóigh a n-idirghníomhaíonn daoine le ceann **amháin** de na próisis dromchla seo a leanas:

- Próisis abhann
- Próisis chósta
- Próisis ollghluaiseachta.

[30m]

2C. Carraigeacha




www.quarriesandbeyond.org, www.collinsdictionary.com and www.flickr.com

- (i) I do fhreagarleabhar, meaitseáil gach ceann de na fótagraif **A**, **B** agus **C** leis an gcarraig ar an liosta thíos is fearr a mheaitseálann é:
- Gaineamhchloch
 - Aolchloch
 - Marmar.
- (ii) Luaigh **dhá** shlí a mbaintear úsáid as carraigeacha.
- (iii) Ainmnigh bruthcharraig **amháin**, agus tabhair suíomh ina bhfuil sí le fáil.
- (iv) Tabhair cur síos agus míniú ar an dóigh a bhfoirmítear bruthcharraigeacha.

[40m]

Ceist 3

3A. Gníomhaíocht Bholcánach



Scrúdaigh an léaráid thuas ina dtaispeántar brúchtadh bolcánach agus freagair gach ceann de na ceisteanna seo a leanas.

- (i) I do fhreagarleabhar, bain úsáid as gach ceann de na téarmaí ar an liosta thíos chun na gnéithe atá lipéadaithe mar **A**, **B**, **C** agus **D** sa léaráid thuas a ainmniú.
- Seomra magma
 - Cráitéar
 - Sraitheanna de luaithreach agus de charraig
 - Scamall luaithrigh.
- (ii) Luaigh cé acu beo, suanach **nó** marbh atá an bolcán a thaispeántar thuas.
- (iii) Ainmnigh sampla **amháin** de bholcán a bhfuil staidéar déanta agat air.
- (iv) Liostaigh **dhá** iarmhairt dhearfacha a bhíonn ag bolcáin.
- (v) Tabhair míniú achomair ar iarmhairt dhiúltach **amháin** a bhíonn ag bolcáin.

[30m]

3B. Síonchaitheamh

- (i) Ainmnigh **dhá** thoisc ar bith a mbíonn tionchar acu ar an síonchaitheamh.
- (ii) Tabhair cur síos agus míniú ar **dhá** cheann ar bith de na cineálacha síonchaithimh seo a leanas:
- Síonchaitheamh oinniúnach
 - Carbónáitiú
 - Gníomhaíocht reo is coscartha.

[40m]

3C. Idirghníomhú an Duine le Timthriall na gCarraigeacha

Tabhair cur síos agus míniú ar an dóigh a n-idirghníomhaíonn an duine le timthriall na gcarraigeacha agus tú ag tagairt do cheann **amháin** díobh seo a leanas:

- Cairéalú
- Mianadóireacht
- Saothrú Ola/Gáis
- Táirgeadh fuinneamh geoiteirmeach.

[30m]

ROINN 2

TÍREOLAÍOCHT RÉIGIÚNACH

Ceist 4 go 6

Tá 100 marc ag gabháil le gach ceist.

Ceist 4

4A. Scileanna Léarscáile

Tarraing sracléarscáil de réigiún **Ilchríochach / Fo-ilchríochach (nach bhfuil san Eoraip)** a bhfuil staidéar déanta agat air.

Ar an tsracléarscáil sin, **taispeáin** agus **ainmnigh** gach ceann acu seo a leanas:

- Abhainn ainmnithe **amháin** sa réigiún seo
- Limistéar rilfe ainmnithe **amháin** sa réigiún seo (talamh ard nó íseal)
- **Dhá** bhaile mhóra nó **dhá** chathair ainmnithe sa réigiún seo.

[30m]

4B. Talmhaíocht – Réigiún in Éirinn

Freagair gach ceann de na ceisteanna seo a leanas agus tú ag tagairt do réigiún **in Éirinn** a bhfuil staidéar déanta agat air.

- Ainmnigh **dhá** chineál talmhaíochta a chleachtar sa réigiún seo.
- Mínigh na buntáistí atá ag an réigiún seo d'fhorbairt na talmhaíochta.
- Déan cur síos ar dhúshlán **amháin** atá roimh an talmhaíocht sa réigiún seo.

[40m]

4C. Gníomhaíocht Gheilleagrach Thánaisteach i Réigiún Eorpach


Freagair gach ceann de na ceisteanna seo a leanas agus tú ag tagairt do réigiún **Eorpach (nach bhfuil in Éirinn)** a bhfuil staidéar déanta agat air.

- Ainmnigh sampla **amháin** de ghníomhaíocht gheilleagrach thánaisteach sa réigiún seo.
- Tabhair cur síos agus míniú ar fhorbairt thionscal na déantúsaíochta sa réigiún seo.

[30m]

Ceist 5

5A. Gníomhaíocht Gheilleagrach Threasach



Scrúdaigh na píchairteacha thuas ina dtaispeántar líon na ndaoine a tháinig ó thar lear go hÉirinn de réir na bliana agus na háite ónar tháinig siad in 2019, 2020 agus 2021. Freagair gach ceann de na ceistanna seo a leanas.

- Cé mhéad duine a thaistil trasna an Atlantaigh go hÉirinn in 2019?
- Cén bhliain inar thaistil 2,170,000 duine go hÉirinn ó mhór-roinn na hEorpa?
- Cad as ar thaistil 781,000 duine go hÉirinn in 2021?
- Ríomh líon iomlán na ndaoine a thaistil go hÉirinn in 2021.
- Ainmnigh aerfort nó calafort **amháin** in Éirinn.
- Mínigh go hachomair fáth **amháin** a raibh líon na ndaoine a tháinig go hÉirinn in 2020 agus in 2021 níos ísle ná líon na ndaoine a tháinig in 2019.
- Mínigh dúshlán **amháin** a bhíonn ann mar gheall ar níos lú turasóirí a bheith ag teacht go hÉirinn.

[30m]

5B. Gníomhaíochtaí Geilleagracha i Réigiún Ilchríochach / Fo-ilchríochach

Mínigh **dhá** cheann ar bith díobh seo a leanas, agus tú ag tagairt do réigiún **Ilchríochach** / **Fo-ilchríochach** (nach bhfuil san Eoraip) a bhfuil staidéar déanta agat air.

- Na tosca a mbíonn tionchar acu ar an **talmhaíocht** sa réigiún
- Tábhacht na **déantúsaíochta** don réigiún
- Na fáthanna a dtarraingítear **turasóirí** go dtí an réigiún.

[40m]


5C. Tréithe Réigiún

- Ainmnigh sampla **amháin** de chroí-réigiún **agus** mínigh an fáth a bhfuil an réigiún seo ina chroí-réigiún.
- Ainmnigh sampla **amháin** de réigiún imeallach **agus** mínigh an fáth a bhfuil an réigiún seo ina réigiún imeallach.

[30m]

Ceist 6

6A. An tAontas Eorpach



Scrúdaigh an léarscáil thuas ina dtaispeántar an bhliain a ndeachaigh ballstáit reatha agus iar-bhallstáit isteach san Aontas Eorpach agus freagair na ceisteanna a leanas.

- Cén bhliain a ndeachaigh an Phortaingéil isteach san Aontas Eorpach?
- Cé mhéad tír a chuaigh isteach san Aontas Eorpach i 1995?
- Cén tír a chuaigh isteach san Aontas Eorpach an bhliain chéanna leis an Rómáin?
- Ainmnigh **dhá** thír a chuaigh isteach san Aontas Eorpach in 2004.
- Mínigh go hachomair buntáiste **amháin** a bhaineann le ballraíocht san Aontas Eorpach.
- Cén tír, a bhfuil an lipéad **X** uirthi ar an léarscáil, a d'fhág an tAontas Eorpach in 2020?
- Mínigh go hachomair dúshlán **amháin** atá roimh bhallstáit an Aontais Eorpaigh.

[30m]

6B. Réigiúin Uirbeacha

Tabhair cur síos agus míniú ar na cúiseanna atá le fás limistéir uirbigh **amháin** a bhfuil staidéar déanta agat air.

[30m]

6C. An Turasóireacht i Réigiún in Éirinn

Freagair gach ceann de na ceisteanna seo a leanas agus tú ag tagairt do réigiún **in Éirinn** a bhfuil staidéar déanta agat air.

- (i) Ainmnigh **dhá** rud a tharraingíonn turasóirí isteach sa réigiún seo.
- (ii) Mínigh na fáthanna a bhfuil tarraingt turasóirí ar an réigiún seo.
- (iii) Déan cur síos ar fhadhb **amháin** a luaitear leis an turasóireacht sa réigiún seo.

[40m]

ROINN 3
TOGHAONAID

Ceist 7 go 12

Patrúin agus Próisis i nGníomhaíochtaí Geilleagracha (Ceist 7, 8 agus 9)

Patrúin agus Próisis i gComhshaol an Duine (Ceist 10, 11 agus 12)

Tá 100 marc ag gabháil le gach ceist.

PATRÚIN AGUS PRÓISIS i nGNÍOMHAÍOCHTAÍ GEILLEAGRACHA

Ceist 7 go 9

Ceist 7

7A. Aerfótagraf

Scrúdaigh an t-aerfótagraf de Chluain Meala a ghabhann leis an bpáipéar seo.

Tarraing sracléarscáil den limistéar a thaispeántar san aerfótagraf.

Ar an tsracléarscáil sin, **taispeáin** agus **lipéadaigh** gach ceann díobh seo a leanas:

- An abhainn
- Droichead
- **Dhá** shráid a bhuaileann le chéile
- Carrchlós sa lár ar dheis
- Foirgneamh tionsclaíoch sa tulra láir.

[30m]

7B. Breoslaí iontaise

- Ainmnigh **dhá** bhreosla iontaise.
- Tabhair cur síos agus míniú ar an tslí a dtéann dó breoslaí iontaise i bhfeidhm ar an gcomhshaol.

[30m]


7C. Geilleagar Forbartha

- Ainmnigh geilleagar forbartha **amháin** ina gcuireann an turasóireacht **nó** seirbhísí airgeadais leis an ngeilleagar sin.
- Mínigh na cúiseanna atá le fás na turasóireachta **nó** le fás na seirbhísí airgeadais sa gheilleagar forbartha a d'ainmnigh tú i gcuid (i) thuas.
- Mínigh tairbhe **amháin** atá le baint ag geilleagar tíortha forbartha as an turasóireacht **nó** as seirbhísí airgeadais.
- Mínigh fadhb **amháin** a éiríonn as an turasóireacht **nó** as seirbhísí airgeadais.

[40m]

Ceist 8

8A. Fuinneamh In-athnuaite



Scrúdaigh an bharrachairt thuas ina dtaispeántar acmhainn an fhuinnimh in-athnuaite i dtíortha roghnaithe in 2020 agus freagair gach ceann de na ceisteanna seo a leanas.

- Céard é acmhainn an fhuinnimh in-athnuaite, ina gigeavatanna, a bhí ag India in 2020?
- Cén tír ar an gcairt thuas ba mhó acmhainn fuinnimh in-athnuaite in 2020?
- Ríomh acmhainn iomlán an fhuinnimh in-athnuaite, ina gigeavatanna, a bhí ag an tSín, Stáit Aontaithe Mheiriceá agus an Bhrasáil le chéile.
- Ainmnigh **dhá** fhoinse fuinnimh in-athnuaite.
- Mínigh go hachomair **dhá** chúis a bhfuil tíortha ag déanamh breis infheistíochta san fhuinneamh in-athnuaite.

[30m]

8B. Gníomhaíocht Gheilleagrach agus Coinbhleacht

- Ainmnigh sampla **amháin** den dóigh ar tharla coinbhleacht idir dhaoine de thoradh ar fhorbairt gníomhaíochtaí geilleagracha.
- Tabhair cur síos agus míniú ar an gcoinbhleacht seo.

[30m]

8C. Gníomhaíocht Gheilleagrach – Léarscáil na Suirbhéireachta Ordanáis

Scrúdaigh an léarscáil 1:50 000 agus an eochair eolais de chuid na Suirbhéireachta Ordanáis a ghabhann leis an bpáipéar seo.

Cuir i gcás gur tugadh mar thasc duit suíomh oiriúnach le haghaidh óstáin mhóir nua a fháil taobh istigh den limistéar atá ar an léarscáil.

- (i) Luaigh, agus tagairt eangaí sé fhigiúr á húsáid agat, cén áit a lonnófa an t-óstán.
- (ii) Mínigh na cúiseanna ar roghnaigh tú an suíomh sin.
- (iii) Déan cur síos ar mhíbhuntáiste **amháin** a bhaineann leis an óstán a lonnú sa suíomh sin.

[40m]

Ceist 9

9A. Forbairt Gheilleagrach

An Olltáirgeacht Náisiúnta (OTN)
i dtíortha Roghnaithe in 2020

Tír	OTN (\$SAM trilliún)
Stáit Aontaithe Mheiriceá	20
An tSín	13
An tSeapáin	5
An Ghearmáin	4
An Ríocht Aontaithe	3

Curtha in oiriúint ó www.worldpopulationreview.com

Scrúdaigh an tábla thuas ina dtaispeántar an olltáirgeacht náisiúnta (OTN) i dtíortha roghnaithe in 2020. Freagair gach ceann de na ceisteanna seo a leanas.

- Agus grafpháipéar á úsáid agat, tarraing graf oiriúnach chun na sonraí seo a léiriú.
- I do fhreagarleabhar, mínigh go hachomair buntáiste **amháin** do thír a ghabhann le holltáirgeacht náisiúnta ard a bheith aici.

[30m]

9B. Cuideachta Ilnáisiúnta

- Ainmnigh cuideachta ilnáisiúnta **amháin** atá lonnaithe in Éirinn a bhfuil staidéar déanta agat uirthi **agus** ainmnigh táirge **amháin** a dhéanann sí.
- Luaigh an áit in Éirinn ina bhfuil an chuideachta ilnáisiúnta seo lonnaithe **agus** mínigh cén fáth ar lonnaigh sí san áit seo.
- Mínigh cúis **amháin** a bhféadfadh an chuideachta ilnáisiúnta seo cinneadh a dhéanamh lonnú i dtír eile.

[40m]

9C. Éire agus an tAontas Eorpach

- Ainmnigh polasaí **amháin** de chuid an Aontais Eorpaigh a mbíonn tionchar aige ar gheilleagar na hÉireann.
- Tabhair cur síos agus míniú ar iarmhairtí an pholasaí seo do gheilleagar na hÉireann.

[30m]

PATRÚIN AGUS PRÓISIS i gCOMHSHAOL AN DUINE

Ceist 10 go 12

Ceist 10

10A. Plódú Tráchta

Leibhéal an Phlódaithe Tráchta
i Roinnt Cathracha san Eoraip in 2020

Cathair san Eoraip	Leibhéal an Phlódaithe Tráchta
Baile Átha Cliath	38%
Londain	31%
Liospóin	23%
Cóbanhávan	18%
Maidrid	15%

Curtha in oiriúint ó www.tomtom.com

Scrúdaigh an tábla thuas ina dtaispeántar leibhéal an phlódaithe tráchta i roinnt cathracha san Eoraip in 2020. Freagair gach ceann de na ceisteanna seo a leanas.

- (i) Agus grafpháipéar á úsáid agat, tarraing graf oiriúnach chun na sonraí seo a léiriú.
- (ii) I do fhreagarleabhar, mínigh go hachomair cúis **amháin** a bhfuil leibhéal an phlódaithe tráchta ard i mBaile Átha Cliath.

[30m]

10B. Imirce – Éire

- (i) Tabhair cur síos agus míniú ar na cúiseanna a dtéann daoine in Éirinn ar imirce ó na ceantair thuaithe go dtí na cathracha, agus tú ag baint úsáid as samplaí a bhfuil staidéar déanta agat orthu.
- (ii) Mínigh iarmhairt **amháin** do na ceantair thuaithe a bhíonn ag an imirce ó na ceantair thuaithe go dtí na ceantair uirbeacha.
- (iii) Mínigh bac **amháin** atá ar an imirce.

[40m]


10C. Forbairt Bailte

Agus fianaise ón aerfótagraf a ghabhann leis an bpáipéar seo á húsáid agat, mínigh trí chúis ar fhorbairt baile Chluain Meala sa suíomh ina bhfuil sé.

[30m]

Ceist 11

11A. Dinimic Daonra



Scrúdaigh an phirimid daonra thuas ina dtaispeántar struchtúr an daonra réamh-mheasta in Éirinn in 2050. Freagair gach ceann de na ceisteanna seo a leanas.

- Cén céatadán de na baineannaigh a réamh-mheastar a bheidh san aoisghrúpa 20-24?
- An réamh-mheastar go mbeidh níos mó fireannach ná baineannach san aoisghrúpa 85+?
- Cén céatadán den daonra iomlán san aoisghrúpa 0-4 a réamh-mheastar a bheidh ina bhfireannaigh?
- Ríomh an céatadán den daonra iomlán a réamh-mheastar a bheidh san aoisghrúpa 65-69.
- Luaigh úsáid **amháin** a bhaintear as pirimidí daonra.
- Mínigh go hachomair cúis **amháin** a bhfuil ionchas saoil fada ag daoine in Éirinn.
- Mínigh go hachomair bealach **amháin** a bhfuil an cruth ar phirimid daonra tíre forbartha difriúil leis an gcruth ar phirimid daonra tíre atá i mbéal forbartha.

[30m]

11B. Cathair sa Domhan i mBéal Forbartha

- (i) Ainmnigh cathair **amháin** sa domhan i mbéal forbartha atá ag fás go gasta.
- (ii) Mínigh cúis **amháin** leis an bhfás gasta ar an gcathair a d'ainmnigh tú i gcuid (i) thuas.
- (iii) Tabhair cur síos agus míniú ar **thrí** fhadhb ar bith a bhaineann le fás gasta na cathrach seo atá sa domhan i mbéal forbartha.

[40m]

11C. Lonnaíocht Stairiúil

Scrúdaigh an léarscáil 1:50 000 agus an eochair eolais de chuid na Suirbhéireachta Ordanáis a ghabhann leis an bpáipéar seo.

- (i) Ainmnigh **trí** shampla éagsúla de lonnaíocht stairiúil atá le feiceáil ar an léarscáil de chuid na Suirbhéireachta Ordanáis **agus** tabhair tagairt eangaí sé fhigiúr do na suímh ina bhfuil siad.
- (ii) Déan cur síos ar gach ceann de na trí lonnaíocht stairiúla a d'ainmnigh tú i gcuid (i) thuas.

[30m]

Ceist 12

12A. Aerfótagraf

Scrúdaigh an t-aerfótagraf de Chluain Meala a ghabhann leis an bpáipéar seo.

Tarraing sraclearscáil den limistéar a thaispeántar san aerfótagraf.

Ar an tsraclearscáil sin, **taispeáin** agus **lipéadaigh** gach ceann díobh seo a leanas:

- An abhainn
- Droichead
- Limistéar fóillíochta
- Séipéal sa tulra ar dheis
- Limistéar de thithíocht sraithe sa tulra láir.

[30m]


12B. Dinimic Daonra

‘Tá a lán tosca ann a mbíonn tionchar acu ar athrú daonra, agus áirítear ar na tosca sin leibhéil ioncaim, cultúr agus sochaí, agus teicneolaíocht an leighis.’

Tabhair cur síos agus míniú ar na tosca a mbíonn tionchar acu ar athrú daonra.

[30m]

12C. Feidhmeanna Uirbeacha



Curtha in oiriúint ó www.en.wikipedia.org, www.joe.ie, www.discoverboynevalley.ie, www.forecourtretailer.com

- (i) Scrúdaigh na fótagraif d’fhoirgnimh éagsúla atá lipéadaithe mar **A**, **B**, **C** agus **D** thuas. Meitseáil gach ceann de na litreacha ar an bhfótagraf leis an bhfeidhm uirbeach ar an liosta thíos is fearr a mheitseálann é. Scríobh do fhreagra i do fhreagarleabhar.

- Feidhm chónaithe
- Feidhm thráchtála
- Feidhm iompair
- Feidhm reiligiúnach.

- (ii) ‘Athraíonn feidhmeanna na gceantar uirbeach le himeacht aimsire.’

Déan an ráiteas seo a phlé agus tú ag tagairt do cheantar uirbeach ar bith a bhfuil staidéar déanta agat air.

[40m]

Ná tabhair an ceistpháipéar seo ar ais

Ná tabhair an ceistpháipéar seo ar ais

Ná tabhair an ceistpháipéar seo ar ais

Ná tabhair an ceistpháipéar seo ar ais.

Ní chuirfear ar ais chuig Coimisiún na Scrúduithe Stáit é.

Fógra cóipchirt

D'fhéadfadh sé go bhfuil téacsanna nó íomhánna sa scrúdpháipéar seo nach é Coimisiún na Scrúduithe Stáit úinéir an chóipchirt orthu, agus d'fhéadfadh sé gur athchóiríodh iad, chun críche an mheasúnaithe, gan cead na n-údar a fháil roimh ré. Ullmhaíodh an scrúdpháipéar seo de réir Alt 53(5) den *Acht um Chóipcheart agus Cearta Gaolmhara, 2000*. Ní údaraítear aon úsáid dá éis chun aon chríche ach amháin chun na críche dá bhfuil sé beartaithe. Ní ghlacann an Coimisiún aon dliteanas as sárú ar bith ar chearta tríú páirtí a eascraíonn as dáileadh ná as úsáid neamhúdaraíthe an scrúdpháipéir seo.

Scrúdú na hArdteistiméireachta – Gnáthleibhéal

Tíreolaíocht Cuid a Dó

Dé hAoine 10 Meitheamh

Maidin 9:30 – 12:20